

12 Ihlaba June 2020

Sigaba Sabokhewane Lulwimi Lwasekhaya

UMBIKO WECOVID-19

Kusemini balingani bami beSigaba Sabokhewane Lulwimi Lwasekhaya,

Bantfwana betfu labancane kulesikhatsi sanyalo babona tintfo babuye bahlangabetane netintfo letinyenti letinsha ngalesikhatsi saleligciwane ICOVID-19. . Kute sitfutukise emakhono abo ekuvisisa kubalulekile kutsi sicocisane nebantfwana kute sibasite bavisise letintfo lebahlangabetana nato.

Singakwenta njani loku ?

Singacala ngekutsi sibasite bantfwana batfole tintfo letinsha lebatibonile nalebahlangabetane nato .

Singabuta imibuto lefana nale :

- Ubonani nawubuka ngaphandle?
- Ngabe loku kuhlukile nobe kuyafana naloku kwangaphambili?
- Nangabe loku kuhlukile, kuhluke ngani? Yini loyibonile?
- Ngabe ubona bantfu netimoto letinyenti nobe letincane ngaphandle?
- Ngabe utibukele tindzaba kumabonakudze? Nangabe utibukelile, uboneni?
- Ngabe ikhona intfo lehlukile kulabantfu lobabone nawubukela tindzaba? Nangabe ikhona, yini lokuhlukile?
- Yini lebesiloku siyiva bakhuluma ngayo etindzabeni?

Kwesibili, singabasita bantfwana bavisise loku lebakubonile naloko lebahlangabetane nako

Singabuta imibuto lefana nale

- Ngabe uyati yini kutsi kungani tintfo tihluke ngalendlela?
- Nangabe kunjalo, ngitjele kutsi watini ngaloku.
- Nguwaphi emagama lamasha lowavile?
- Ungangitjela kutsi ucabanga kutsi lamagama asho kutsini?
- Utiva njani ngalolushintjo lolubonile?
- Ikhona yini intfo longayivisisi kuloku lokwentekako? Nangabe ikhona, iyini lentfo?
- Ngabe ukhatsatekile yini ngaloku lokwentekako? Nangabe kunjalo, yini lekukhatsatako?
- Ngabe loku kukwenta utive unjani?

Ngalokulandzelako, singabasita bantfwana kutsi basho babuye bakuvisise loko lebakubonile naloko lebahlangabetane nako.

- Bafundzise bantfwana silulumagama lekudzingeke kutsi bakhulume ngaso lesiphatselene naloko lebakubonako, lebahlangabetana nako nendlela lebativa ngayo. . Ungesabi kufundzisa bantfwana silulumagama lesilukhuni. Loku kungafaka ekhatsi emagama lafana nalawa: sifo ; ligciwane ; kuvaleleka ; kucelelana ; imaski yebuso ; isanithayiza ; kukhatsateka ; kukhatsateka ; njll
- Ngako-ke nika bantfwana lwati lolunemaciniso kute ubasite bavisise kutsi kwentekani, ngaphandle kwekubenta basabe kakhulu

Ekugcineni, unganika bantfwana emasu latabasita kutsi bakwati kumelana nesimo lesibenta bative basaba nobe bakhatsatekile.

- Bachazele bantfwana kutsi yini lekufanele bayente kute bahlale baphephile.
- Bachazele futsi bantfwana kutsi nabeva ngatsi bakhatsatekile nobe bafikelwa kwesaba, kufanele bakhulume nemuntfu lomdzala ngaloku lebakuvako.

Siyabonga ngekucubeka ucabange kabanti ngekutfutfukisa emakhono elulwimi.

The NECT and DBE Team